

臨桂縣志

之上

二冊

臨桂縣志

卷上

七

輿地志一

疆域

臨桂縣附縣境東西距一百七十里南北距九十二里東至白馬源接平樂府恭城縣界九十里西至都狼嶺接永甯州界八十里南至羊角堡接陽朔縣界八十里北至烏金鋪接靈川縣界一十二里東南至栗墓嶺接陽朔恭城二縣界七十二里東北至海陽坪接靈川恭城二縣界六十里西南至朔山峽接永福縣界八十二里西北至鷺橋堡接義甯縣界六十三里編戶七十五里

金通志

案舊志四至八到道里多舛今悉從通志臨桂惟北鄉最狹考寰宇記邑有雙妃冢今乃在靈川之半雲山距臨桂二十餘里蓋當時北境廣於今云

舊志

六塘墟巡檢駐劄縣南陸路七十五里東至陽朔縣城陸路九十五里水路一百四十里西南至本縣蘇橋司陸路六十里西北至義甯縣城陸路一百四十五里

通志

蘇橋司巡檢駐劄縣西南陸路七十三里水路由陡河至省一百三十五里東南至六塘司陸路六十里水路八十五里西南至永福縣城陸路四十七里西至永甯州城陸路一百一十五里西北至義甯縣城陸路六十五里水路七十里通志

臨桂為西南都會之首廣袤百餘里襟山帶河形勝回固鎮南疊綵障其北七星屏風拱其東雉山南溪峙其南寶積西山控其西獨秀直聳中城有王公貴人之象堯山延袤近野若龍蟠虎踞之形灘水環束郭以南奔陽江遠西城而東注象鼻關難館穀水口風氣凝聚局勢迴環山川奇甲天下人文特盛他州猺獞無盤據之虞士民有甯宇之慶洵足領袖三江冠冕百粵也

舊志

廟里

附郭廟凡十

在城一圖

南二廟

西一廟

北一廟

東鄉里凡二十有八

東一圖

東四圖

東七圖

東十圖

東十三圖

東十七圖

東二十圖

東二十四圖

東三十一圖

東三十七圖

兼搖

西鄉里凡三十有八

東一廟

南四廟

西二廟

東二圖

東五圖

東八圖

東十一圖

東十四圖

東十八圖

東二十一圖

東二十五圖

東三十二圖

東三廟

南五廟

西三廟

東三圖

東六圖

東九圖

東十二圖

東十五圖

東十九圖

東二十二圖

東二十八圖

東三十三圖

兼搖

西一圖	西三圖	西四圖
西五圖	西六圖	西七圖
西八圖	西九圖 兼猺	西十四圖
西十六圖	西十七圖	西十九圖
西二十圖	西二十一圖	西二十四圖
西二十五圖	西二十七圖	西二十八圖
西二十九圖 兼猺	西三十三圖 兼猺	西三十五圖
西三十七圖 兼猺	西三十八圖	西四十一圖
西四十二圖	西四十三圖	西四十四圖
西四十五圖	西四十六圖	西四十七圖
西四十八圖	西四十九圖 兼猺	西五十圖
茶西五十二圖	西五十三圖 猺里	西五十四圖 猺里
西五十五圖 猺里		
南鄉里凡二十有五		
南一圖	南三圖	南四圖
南五圖	南六圖	南七圖
南八圖	南九圖	南十圖
南十二圖	南十四圖	南十五圖

南十六圖

南十七圖

南十八圖

南二十圖

南二十一圖

南二十二圖

南二十三圖

南二十四圖

南二十六圖

南二十七圖

南二十八圖

南二十九圖

南三十圖

原案廂里在明正德間凡一百二十有九自明末以來屢罹兵燹漸至殘敝迄今僅存百里且里中之糧或多至數百石者或少至數十石及數石者其中可任差遣惟七十五里而已里甲不均則徭役難平理固然也安得裒多益寡而更定為畫一之制哉舊志

星野

楚地翼軫之分野也今之南郡江夏零陵桂陽武陵長沙及漢中汝南郡盡楚分也漢書地理志零陵入軫十一度晉書天文志

翼軫鶉尾之次於辰在巳楚分野屬荊州劉歆三統厯起張十三度至軫五度漢書律厯志初張十八度中翼十五度終軫十一度費直說周易初張十三度至軫十七度蔡邕月令章句起張十二度至軫六度陳卓景初厯起張十七度至軫十一度皇甫謐帝王世紀起張十八度至軫十一度一行大衍厯起張十五度中翼十二度終軫九度明大統厯起張十五度終軫九度金通志軫宿考桂林軫宿十一度金通志

氣候

南方地卑而土薄土薄故陽氣常泄地卑故陰氣常盛陽氣泄故四時常花三冬少雪一歲之中

暑氣過半人居其間氣多上壅膚多汗出腠理不密蓋陽不反本而然陰氣盛故晨昏多霧春夏雨靈一歲之間蒸溼恆多衣服皆生白蟻人多中溼肢體重倦成脚氣等疾蓋陰常盛而然陰陽之氣既偏而相搏故一日之內氣候屢變諺曰四時皆似夏一雨便成冬又曰急脫急著勝於服藥氣使然也大抵天地之氣極北寒勝極南熱勝五嶺以南號曰炎方其高岡疊嶂左右環合故鬱而為嵐惟全州地近湖湘窮冬多雪氣候似中州而桂林次之杜子美謂五嶺皆炎熱宜人獨桂林良不誣也左右兩江以及昭梧諸郡居平曠者猶或差勝若城依巖谷或地近卑溼崎嶇扼塞有近午方見日者至若蠻溪獠崗草木蔚蒼虺蛇出沒江水有毒瘴氣易侵商旅祇隸觸熱征行與夫飲食起居不節者每為所中調攝之功宜加謹焉李西美攝生論

桂林一日之間具四時之氣遷謫者惡之號四時節陶穀清異錄

龔茂良詩日中常有四時天言一日所經氣候頓殊蓋層巒四塞川谷異限有不可一律齊者而晝熱晚涼夜寒則不甚相遠也李通志

二廣惟桂無瘴自是而南皆瘴鄉桂海虞衡志

桂林雖無瘴而苦靈雨自春徂冬十僅一霽故地溼而物易腐屋棟皆為蟻蛀夏秋酷暑多蚊蚋尤不可耐甚於閩廣四山多霧初至者每苦腹漲如蠱然嚼檳榔乃漸消百粵風土記

南人有言曰雨下便寒晴便熱不論春夏與秋冬此語盡南方之風氣矣桂林氣候與江浙頗相

類過桂林城南數十里則便大異杜子美謂宜人獨桂林得之矣周去來嶺外代答

南州多無霜雪草木皆不改柯易葉獨桂林歲歲得雪或臘中三白然終不及北州之多靈川興安之間兩山踳踳中容一馬謂之嚴關朔雪至關輒止大盛則度送至桂林城下不復南矣桂海

虞衡志

粵無冰其民罕知有合冰解凍之說歲有微霜則百物蓄盛冰生於霜粵無冰以無霜也故語曰
嶺南無地著秋霜卽有微霜輒以爲雪或有微雪輒以爲冰人至白首有冰雪不辨者大抵嶺南
地暖陰氣不凝故霜雪獨少或極寒亦有微霰然未至地已復爲雨矣 李通志

廣東南海有颶風西路稍北州縣悉無之獨桂林多風秋冬大甚拔木飛瓦晝夜不息俗傳朝作
一日止暮七日夜半則彌旬桂林去海猶千餘里非颶風也土人自不知其說余試論之桂林地
勢視長沙番禺在千丈之上高而多風理固然也 桂海虞衡志

唐宋之間桂州三月三日詩

一作桂陽
三日述懷

代業京華裏遠投魑魅鄉登高望不極雲海四茫茫伊昔承休盼曾爲人所羨兩朝賜顏色
二紀陪歡宴昆明御宿侍龍媒伊闕天象復幾回西夏黃河水心劍東周清洛羽觴杯苑中
落花掃還合河畔垂楊撥不開千春萬壽多行樂柏梁和歌攀睿作賜金分帛奉恩輝風舉
雲搖入紫微晨趨北闕鳴珂至夜出南宮把燭歸載筆儒林多歲月襟被文昌佐吳越越中
山海高且深興來無處不登臨永和九年刺海郡暮春三月醉山陰愚謂嬉游長似昔不言
流寓歎成今始安繁華舊風俗帳飲傾城沸江曲主人絲管清且悲客子肝腸斷還續荔浦
蘅皋萬里餘洛陽音信絕能疏故園今日應愁思曲水何能更祓除逐伴逐伴誰憐合浦葉
思歸豈食桂江魚不求漢使金囊贈願得佳人錦字書

宋之間始安秋日詩

桂林風景異秋似洛陽春晚霽江天好分明愁殺人卷雲山觺觺碎石水磷磷世業事黃老

妙年孤隱淪歸與臥滄海何物責吾身

王昌齡送任五之桂林詩

楚客醉孤舟越水將引擢山爲兩鄉別月帶千里貌羈縻同繒綸僻幽聞虎豹桂林寒色在苦節知所效

杜甫寄楊五楊州譚詩

五嶺皆炎熱宜人獨桂林梅花萬里外雪片一冬深聞此寬相憶爲邦復好音江邊送孫楚遠附白頭吟

錢起送張中丞赴桂州詩

出守求人瘼推賢動聖情紫臺初下詔卓蓋始專城寵借飛霜簡威加卻月營雲衢降五馬桂水引雙旌風仰敦詩禮嘗聞偃甲兵戎樓雲外靜訟闌竹間清化世還珠美心將片玉貞寇恂朝望重計日謁承明

錢起送李判官之桂州幕詩

欲知儒道貴縫掖見諸侯且感千金諾甯辭萬里遊雁峯侵瘴遠桂水出雲流坐惜離居晚相思綠蕙秋

戎昱桂州口號詩

畫角三聲動客愁曉霜如雪覆江樓誰道桂林風景暖到來重著卓貂裘戎昱桂城早秋詩

遠客驚秋早江天夜露新滿庭惟有月空館更何人卜命知身賤傷寒舞劍頻猿嘯曾下淚

可是爲憂貧

戎昱桂州歲暮詩

歲暮天涯客寒窗欲曉時君恩空自感鄉思夢先知重誼人愁別驚棲鵲戀枝不堪樓上角
南向海風吹

戎昱桂州臘夜詩

坐到三更盡歸仍萬里賒雪聲偏傍竹寒夢不離家曉角分殘漏孤燈落碎花二年隨驛騎
辛苦向天涯

常袞逢南中使寄嶺外故人詩

見說南來處蒼梧指桂林過秋天更暖邊海日長陰巴路緣雲出蠻鄉入洞深信回人自老
夢到月應沈碧水通春色青山寄遠心炎方難久客爲爾一沾襟

白居易送嚴大夫赴桂州詩

地壓坤方重官兼縣府雄桂林無瘴氣柏暑有清風山水衙門外旌旗樓櫓中大夫應絕席
詩酒與誰同

李渤桂林歎雁詩

三朝四點倦遐征往復皆愁萬里程爾解分飛卻回去我方從此向南行
楊衡秋夜桂州宴送鄭十九侍御詩

秋至觸物愁況當離別筵短歌銷夜燭繁緒徧高絃桂林舟始泛蘭堂榻詎懸一杯句離阻
三載奉周旋鴉噪更漏颯露濡風景鮮斯須不共此且爲更畱連

楊衡送公孫器自桂林歸蜀詩

桂江淺復碧，潏潏半路石。將乘觸物舟，暫駐飛空錫。蜀鄉異青眼，蓬戶高朱戟。風度杳難尋，雲飄詎畱迹。舊戶閑花草，馴鵠傍檐隙。揮手共忘懷，日墮千山夕。

李商隱桂林路中作

地暖無秋色，江晴有暮暉。空餘蟬嘒嘒，猶向客依依。村小犬相護，沙平僧獨歸。欲成西北望，又見鷓鴣飛。

李商隱桂林詩

城窄山將壓，江寬地共浮。東南通絕域，西北有高樓。神護青楓岸，龍移白石湫。殊鄉竟何禱，簫鼓不曾休。

李商隱卽日詩

小苑試春衣，高樓倚暮暉。夭桃惟是笑，舞蝶不空飛。赤嶺久無耗，鴻門猶合圍。幾家緣錦字，含淚坐鴛機。

李商隱北樓詩

春物豈相干，人生只強歡。花猶曾斂夕，酒竟不知寒。異域東風溼，中華上象寬。北樓堪北望，輕命倚危欄。

李商隱江村題壁詩

沙岸竹森森，維艖聽越禽。數家同老壽，一徑自陰深。喜客嘗畱橘，應官說采金。傾壺真得地，愛日靜霜砧。

李商隱即日一作詩

桂林聞舊說曾不異炎方山響匡牀語花飄度臘香幾時逢雁足著處斷猿腸獨撫青青桂
臨城憶雪霜

李商隱自桂林奉使江陵途中感懷寄獻尚書詩

下客依蓮幕明公念竹林縱然膺使命何以奉徽音投刺雖傷晚酬恩豈在今迎來新瑣闥
從到碧瑤岑水勢初知海天文始識參固慚非賈誼惟恐後陳琳前席驚虛辱華樽許細斟
尚憐秦痔苦不遣楚醪沈既載從戎筆仍披選勝襟龍通伏波柱簾對有虞琴宅與嚴城接
門藏別岫深閣涼松冉冉堂靜桂森森社內容周續鄉中保展禽白衣居士訪烏帽逸人情
佞佛將成傳耽書或類淫長懷五穀贖終著九州箴良訊封鴛綺餘光借玳簪張衡愁浩浩
沈約瘦惜惜蘆白疑黏鬢楓丹欲照心歸期無雁報旅抱有猿侵短日安能駐低雲只有陰
亂鴉衝曉矚寒女簇遙砧東道違甯久西園望不禁江生魂黯黯泉客淚泔泔逸翰應藏法
高辭肯浪吟數須傳庾翼莫獨與盧諶假寐憑書簾哀吟叩劍鐔未嘗貪偃息那復議登臨
彼美迴清鏡其誰受曲鍼人皆向燕路無乃費黃金

張祜走筆贈許玖赴桂林幕詩

桂林真重德蓮幕藉殊才直氣自消瘴遠心無暫灰劍稜叢石險箭激亂流迴莫說雁不到
長江魚盡來

許渾送杜秀才往桂林詩

桂州南去與誰同處處山連水自通兩岸晚煙千里草半帆斜日一江風瘴雨欲來楓樹黑

火雲初起荔枝紅愁君路遠銷月莫帶三湘五嶺中

宋范仲淹送向綜通判桂州詩

通籍三公後監州五嶺深欲知明主意將慰遠人心歲計多藏藥舟行不廢琴歸書清白最
甯問索

賀鑄訓桂林從叔詩

江到三湘盡山圍八桂深龍蛇寒不蟄霧露晝多陰迢遞馳梅信殷勤訪竹林淮南風土美
畱滯亦何心

李綱桂林道中詩二首

時危遠謫墮南蠻猶在乾坤覆載間瘴雨嵐煙殊氣候玉簪羅帶巧溪山枕椰葉暗傷心碧
躑躅花開滿目斑惟有月華依舊好清輝應與照雲鬟

桂林山水久聞風身世茫然墮此中日暮碧雲濃作朵春深稚筍翠成叢仙家多住空明洞
客夢來遲羣玉峯雁蕩武夷何足道千巖元是小玲瓏

孫覲次桂州詩

過嶺逢人問象州瘴煙如海蹴天浮三閤逐客何時到八桂宜人且少休
范成大次韻陳仲思經屬西峯觀雪詩

仙人離江游翦水馮夷宮賓友來鄒枚寒轡搖冬瓏起望天南陲玉沙滿長風越人來省識
把酒醅層空從來嶠南北人謂將無同那知梁園霰飛入瑞露中幕府有清士尋僧上西峯
六花信娟巧未及五字工我亦滌冰硯課虛貴新功莫嗤兩臞儒毫端尚清豐

范成大詩 并序

乾道癸巳臘後二日桂林大雪尺餘郡人云前此未省見也郭季勇機宜賦古風爲賀次其韻

憶昔北征秋遇雪穹廬苦寒不堪說飛花如席暗燕然把酒悲歌度佳節胡兒館客類西河
鐺戶不容浮蟻泄當時已分餐氈享甯復夢游炎嶺熱忽逐梅花行萬里又與故山輕話別
天公恐我愁瘴霧十日號風吹石裂同雲乃肯度嚴關一夜玉峯高巖嶮老榕蒼密最先編
穉竹枵虛時一折須知桂海接蓬瀛滿目三山白銀闕不管樓高翠袖單但嫌酒淺金杯凸
東郭先生履雖敝詩情卻關冰壺潔歸撚凍髭搔好句山館青燈對明滅爲憐叶氣到黃茅
何止森森松柏悅豐年作守會飽煖羈宦思歸自愁絕豈無菊徑樂琴書亦有秫田供麴蘖
東岡雪後一犁春誰在陂頭憶調燮

范成大大雪示桂人詩

臘雪同雲嶺外稀南人北客盡冬衣從今老杜詩猶信梅片飛時雪也飛

元傅若金桂林喜呂仲實僉憲至詩

正月交州奉使歸忽聞鞍馬發王畿嶺南瘴雨開銅柱江上春雲逐繡衣草熱蟲蛇常並出
樹深豺虎近皆肥明朝按節勞咨訪邊郡於今未解圍

傅若金桂林詩

桂林南望遠山路與雲連淺水清涵石攢峯亂刺天干戈仍歲月瘴癘接風煙蠻寇何能定
邊氓亦可憐

明楊基桂林詩二首

曾見重華巡狩來，離江廟宇野棠開。山無檜柏皆巖穴，地有芝苓盡藥材。花布短衣齊膝製，竹皮長帽覆眉裁。也應風土交州近，丹荔紅椒不用栽。

江爲池塹石爲城，南去蒼梧兩日程。碧殿尚存虞帝像，青山不廢伏波名。蘭根出土長斜挂，榕樹成門卻倒生。時有苗人與徭女，負薪輸布事科征。

顧璘湘南二月大雪戲作春雪歌四首

桂嶺長年冬鬱蒸，湘江今歲積春冰。北人飲酒歌黃竹，愁殺桃花與葛藤。二月雪花飛楚關，渾如李白對燕山。祇愁曉日融成溼，詎惜飛花冒鬢斑。四野荒雲接地齊，雪花如掌下寒溪。招邀白鷺翩翩舞，孤負黃鸝恰恰啼。繞郭千峯玉作臺，連林素纈盡妝梅。同誰跨馬腰弓箭，山口盤旋射鹿來。

國朝邑人黃明懿桂林瑞雪詩

天心協帝德，瑞雪應時飄。壓幹肥梅粒，封根養麥苗。捲簾浮玉字，走馬踏銀橋。作賦亦何趣，豐年景正饒。

崔維雅桂林秋懷詩

閒庭秋草雨還滋，應節商飈嶺外遲。爲有羣峯稱獨秀，偏教一水號相思。遐荒喜見銷兵燹，拙吏憂深愧繭絲。難骨占年今歲稔，褰帷虔拜古堯祠。

邑閨秀陳瑩英咏雪詩二首

六花紛翦舞長空，密密彤雲四望同。映讀每勤君子志，尋梅允稱雅人風。光侵繡戶窗先白，

寒逼薰鑪炭本紅粉黛山川如畫裏天然瑞景報年豐

飛花零翦凍雲橫碎玉平鋪滿院明入夜霏霏飄瓦重迴風片片落階輕窗前微映疏梅影
枕上惟聞斷雁聲荏苒年光隨臘盡寒催嶺樹又生春

邑人朱依程滿江紅咏雪詞

春雨連朝怪一夜清寒驟生驚飄瞥暫停檐溜偷拂簾旌瓦際初拋珠的皪牆根時弄玉玎
玲向漏聲深處轉無聞盈謝庭凝晨光內凝素瑛夕陽外冶春冰惹踏枝烏鵲頻繞疏櫺無
復鳴珂迷曲巷漫拈飛絮倚圍屏笑茗鐺難共黨家姬誰掃烹

戶口

明

嘉靖閒戶二萬零五百九十口十二萬三千四百一十三

國朝

本縣原額人丁一萬七千七百一十康熙二十年二十五年五十年編審增益人丁一千零五十
六丁五分共一萬八千七百六十六丁五分例徵丁銀一千八百七十六兩六錢五分康熙五十
五年六十年雍正四年九年乾隆元年至三十六年編審滋生人丁共三千四百九十九康熙五
十二年奉

恩詔永不加賦乾隆三十七年奉

旨停止編審

街巷

城中

鼓樓上大街

上十字街

白龍井

甘家巷

陽家巷

斗姥巷

陽橋塘街

達溝巷今名興盛巷

東門內

東門大街

老倉街

稱鉤井

楊家巷

和門里

右營前街

逍遙樓街

全善街

府門口

下十字街

院前街

府後街

糧廳倉街今名車井巷

草場街

蠻學門口

鹽道街

王輔坪

社公巷

老堤塘街

余家巷

吊樓塘

正貢門街

東巷

西巷

司前街

東轅門街

吉祥巷

崇德街

美仁里

邊隅巷

鼓樓下大街

後庫街

依仁坊

吊馬眷今名馬莊脚

富珠街俗名猪街

螺螄街

天平架街

東貢門街

西貢門街